

隆昌縣志卷二十七

政績

昔王褒爲王襄作中和樂凡以揚朝廷之德達草野之情而官斯土者之政勤績懋亦於是乎見焉此聖主得賢臣頌所以繼有作也隆雖僻遠風教覃敷自前明逮

國朝以來宰令不乏名宦前後之所經營而撫綏者均足以顯當時垂後世百餘年循良相望是不可以無記用擇其可傳者編次如左志政績

隆昌縣志

卷二十七

政績

一

知縣

明

王寵 廣西賓州人隆慶三年任時設縣伊始
勅制維新經理庶務能任以剛明果決建文廟築城垣遺烈不泯邑祀名宦祠

朱治隆 廣西晉興人崇禎三年任和易有恩人不忍欺政績丕著文廟圯力新之與寵之爲治寬嚴不同而同得民心後人以盛德君子稱之

名宦祠

皇清

劉琨 雲南太和舉人康熙五十六年任修廢舉墜邑中城垣祠宇皆頓易舊觀而政無或弛邑人愛之如父母遷直隸開州祀邑名宦祠

錢振龍 鑲藍旗蔭生康熙二十四年任先任歷慶都夏津令所至皆有循聲在隆則澤敷於人能繼文舉之績嘗謂邑無志無以彰懿美闡幽光爲之草創旋擢戶部主事

金文舉 奉天遼陽貢生康熙六年任政主清靜

隆昌縣志

卷二十七

政績

二

不事紛擾際時和年豐卽鼠牙雀角鮮及公堂囹圄幾空

吳應庚 湖廣黃安進士康熙二十七年任學有原本其所發抒悉根經術

溫凝命 廣東河源進士康熙三十三年任賦性明敏聽訟果決事無巨細迎刃立解其持己也廉其事上也範於禮不苟爲同異遷直隸宛平令士民不忘其去爲勒去思碑以誌感

魯天錫 鑲黃旗監生康熙四十一年任政尙峻

厲凡作奸犯科者以嚴法繩之鋤暴安良四境肅然
房 度 貴州貴筑舉人雍正十二年任尊禮士
大夫擇邑之寒士而能文者入里社教之蠲俸以
資膏火聽訟明敏鄰邑有不能決者爭赴愬輒得
其情政聲翕然自錢振龍以後詩所云樂只君子
德音是茂惟度足以當之遷廣東永安州卒於任
人懷其德相傳爲邑城隍云祀邑名宦祠

于中行 山東掖縣進士乾隆十七年任明而恕
洞曉情僞人不敢干以私又不強人以所難故令

隆昌縣志

卷二十七

政績

三

下如流水邑無廢事二十三年保薦卓異遷江南
南六塘河務同知

黃文理 湖南巴陵舉人乾隆二十六年任以文
學爲治術嘗增修錢振龍縣志制度耆舊科甲凡
闕略者皆勤搜輯之

朱雲駿 江蘇金匱舉人乾隆三十二年任性平
易治尙寬學問優長增修縣志有史才充乾隆庚
寅辛卯甲午同考試官三元皆出其門邑中文教
勃興

賁 領 直隸臨榆舉人乾隆四十七年任剛明
果決嚴正不阿□年邑中刁棍斂跡士民懷德畏
威

李明心 貴州普安舉人乾隆五十六年任治多
惠政處事明允郡邑有疑獄胥裁決焉遷福建淡
水同知

盛世綺 浙江秀水供事嘉慶三年任工楷篆隸
政尙清簡歲旱捐廉並勸富戶輸米共濟生全甚

隆昌縣志

卷二十七

政績

四

多城垣書院各廟壇□第一一修葺多方經理以
資膏火士林頌之

張聘三 山東澤縣監生嘉慶十五年任惠愛士
民矜恤孤寡勤緝盜賊除莠安良修廢舉墜案無
留牘

吉 恆 鑲白旗進士嘉慶十五年署尊賢禮士
才敏政勤訟無積壓常微服雜巾中訪詢民情悉
達

張如海 浙江錢塘舉人嘉慶二十五年署愛士

恤民隆人德之爲贈匾懸署

牛樹梅 甘肅通渭進士道光二十四年署性渾厚學淵邃案無留牘訟無冤獄催科不事差糧早完爲政數月頌聲載道其自拈韻云書生面目本寒酸匹馬東來爲點團自愧一身皆孽府有人沿路說清官邑紳民愛戴不忘爲豎德政碑及德政坊

張敏行 甘肅隴西進士咸豐元年任才識明敏學問淵博節用愛民捐廉培士每年完國課後撥

鹽課餘銀捌拾兩入賓興處以爲鄉會兩試之需立案存房永遠給領士民頌之爲豎清官亭德政坊

李 盤 陝西洋縣舉人道光九年署性勤敏守清廉修廢舉墜愛士惠民理學書法尤足模楷士林輯有日知錄坊刻行於世

肅 慶 內務府正白旗監生成豐五年任秉性剛正操守清廉治邑數年鋤奸暴辦防衛發倉穀平市價種種善政足洽民心庚申滇賊擾境率勇

督勦臨陣遇害士民不忘爲豎德政坊並建祠崇祀

教諭

皇清

李士超 彭水副榜康熙五十五年任學問淵博秉性長厚宏獎士類邑孝廉唐德一王夢桂王琛周之鼎濟濟出其門邑人感其教思勤懇咸劬佩弗諉

楊大成 蓬溪舉人道光十六年任幼有神童之

隆昌縣志

卷二十七

政績

六

日年十五補弟子員十六食餼十九登鄉薦學問淵博宏獎士林邑中孝廉曾世槐彭達訓耿光祺耿光祐副榜彭開佶親炙門牆其餘受陶成而出者不勝紀載合邑士子沐其教化爲豎德教碑以誌感

訓導

皇清

王鍾 平武歲貢雍正七年任有綱舉目張之才惜未大展附節錄乾隆十年紀略碑雍正己酉

先生司鐸茲邦未幾爲邑侯代庖剛毅明決廷無宿案吏民歡舞適烏夷梗化上憲奇其才俾試經猷燹道監修城工督理糧務先生惟精惟勤應役者口碑道路旋署事江陽士林謳思雖議叙加秩超擢淹滯然茂才卓績已業覩一斑矣其力培學校則捐貲不惜修整明倫堂及月臺刊監臥碑鐫勒

御製訓飭士子文使諸生咸知遵守其他愛護補植者尤難髮指

聖天子崇儒重道誠得如先生之實心實政慎終於始者數十人以師天下何患人才之不振而風俗之不隆也哉